



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶԻ ԵՂԵԳԻՍ ՀԱՄԱՅՆՔ

ԱՐՁԱՆԱԳՐՈՒԹՅՈՒՆ N 9

13 ՀՈԿՏԵՄԲԵՐԻ 2022թվական

ԱՎԱԳԱՆՈՒ ԱՐՏԱՀԵՐԹ ՆԻՍՏԻ

Համայնքի ավագանու նիստին ներկա էին ավագանու 7 անդամներ:
Բացակա էին՝ Արման Գեվորգյանը, Ռուբիկ Հովհաննիսյանը, Զոյա Մարտիրոսյանը

Համայնքի ղեկավարի հրավերով ավագանու նիստին մասնակցում էին՝

Մուրադ Օհանյան

Նիստը վարում էր համայնքի ղեկավար՝ Արթուր Ստեփանյանը

Նիստը արձանագրում էր աշխատակազմի քարտուղար՝ Աննա Դանիելյանը

Լսեցին

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶԻ ԵՂԵԳԻՍ ՀԱՄԱՅՆՔԻ
ԱՎԱԳԱՆՈՒ ԱՐՏԱՀԵՐԹ ԹԻՎ 9 ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ**

/Զեկ. ԱՐԹՈՒՐ ՍՏԵՓԱՆՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 13-րդ հոդվածի 4-րդ մասի, 14-րդ հոդվածի 6-րդ մասի պահանջներով, **ավագանին որոշում է՝**

1. Հաստատել 13-ը հոկտեմբերի 2022թ. թիվ 9 արտահերթ նիստի օրակարգը հետևյալ հարցերով՝

2. Եղեգիս համայնքի ղեկավարի հաղորդումները 2022թ. երրորդ եռամսյակի բյուջեի կատարման ընթացքի մասին,

3. Եղեգիս համայնքի ավագանու 08-ը սեպտեմբերի 2022թ. թիվ 103Ա որոշման մեջ փոփոխություն կատարելու մասին:

Կողմ-7 Դեմ-0 Ձեռնպահ-0

Որոշումն ընդունված է. /կցվում է որոշում N 109Ա/

Լսեցին

**ՎԱՅՈՑ ՁՈՐ ՄԱՐԶԻ ԵՂԵԳԻՍ ՀԱՄԱՅՆՔԻ ՂԵԿԱՎԱՐԻ ՀԱՂՈՐԴՈՒՄՆԵՐԸ 2022
ԹՎԱԿԱՆԻ ԵՐՐՈՐԴ ԵՌԱՄՍՅԱԿԻ ԲՅՈՒՋԵԻ ԿԱՏԱՐՄԱՆ ԸՆԹԱՑՔԻ ՄԱՍԻՆ**

/Զեկ. ՄՈՒՐԱԴ ՕՀԱՆՅԱՆ/

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 6-րդ կետով, 38-րդ հոդվածի 1-ին մասի 1-ին կետով և 83-րդ հոդվածի 2-րդ կետով, «Հայաստանի Հանրապետության Բյուջետային համակարգի մասին» Հայաստանի Հանրապետության օրենքի 35-րդ հոդվածի 1-ին մասի պահանջներով, **ավագանին որոշում է՝**

Ընդունել ի գիտություն Եղեգիս համայնքի ղեկավարի հաղորդումները 2022թ. երրորդ եռամսյակի բյուջեի կատարման ընթացքի մասին՝ համաձայն սույն որոշման կից հավելվածի:

Կողմ- 7 Դեմ- 0 Ձեռնպահ-0

Որոշումն ընդունված է. /կցվում է որոշում N 110Ա/

Լսեցին

ԵՂԵԳԻՍ ՀԱՄԱՅՆՔԻ ԱՎԱԳԱՆՈՒ 08/09/2022Թ. ԹԻՎ 103Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

/Ձեկ. ԱՆՆԱ ԴԱՆԻԵԼՅԱՆ/

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 33-րդ հոդվածի 1-ին մասի 3-րդ կետի պահանջներով, **ավագանին որոշում է՝**

Եղեգիս համայնքի ավագանու 2022 թվականի սեպտեմբերի 9-ի «Եղեգիս համայնքի վարչական սահմաններում գտնվող քաղաքացիների և համայնքային սեփականություն հանդիսացող հողամասերի նպատակային նշանակությունը փոխելու մասին» թիվ 103Ա որոշման հղումը և բովանդակությունը շարադրել հետևյալ նոր խմբագրությամբ՝ «Ղեկավարվելով Հայաստանի Հանրապետության Հոդային օրենսգրքի 3-րդ հոդվածով, հիմք ընդունելով Հայաստանի Հանրապետության Կառավարության 2021թ. հունիսի 17-ի «Գյուղատնտեսական նշանակության հողերը ոչ գյուղատնտեսական նշանակության հողերի փոխադրման դեպքերը սահմանելու մասին» 987-Ն որոշման 1-ին մասի 3-րդ, 9-րդ, 12-րդ կետերը, Հայաստանի Հանրապետության Կառավարության 2011թ. դեկտեմբերի 29-ի «Հայաստանի Հանրապետության համայնքների (բնակավայրերի) գլխավոր հատակագծերի, համակցված տարածական պլանավորման փաստաթղթերի և բնակավայրերի տարածքների գոտևորման նախագծերի մշակման, փորձաքննության, համաձայնեցման, հաստատման և փոփոխման կարգը հաստատելու և Հայաստանի Հանրապետության կառավարության 2003 թվականի մայիսի 2-ի N 609-Ն, 2010 թվականի մարտի 4-ի N 208-Ն ու Հայաստանի Հանրապետության Կառավարության 2001 թվականի մայիսի 14-ի N 408 որոշումներն ուժը կորցրած ճանաչելու մասին» թիվ 1920-Ն որոշման պահանջները, և հաշվի առնելով Եղեգիս համայնքի ղեկավարի առաջարկությունը, **ավագանին որոշում է՝**

1. Հավանություն տալ Հայաստանի Հանրապետության Վայոց ձոր մարզի Եղեգիս համայնքի Վարդահովիտ բնակավայրի հողերի օգտագործման ժամանակավոր սխեմայում նախատեսվող փոփոխությանը, ըստ որի նախատեսվում է՝ Վարդահովիտ բնակավայրի վարչական տարածքում գտնվող համայնքային սեփականություն հանդիսացող հողատեսքերը փոխադրել էներգետիկայի, կապի, տրանսպորտի,

կոմունալ ենթակառուցվածքների օբյեկտների հողերի կատեգորիա, գործառնական նշանակությունը էներգետիկայի.

1.1. գյուղատնտեսական նշանակության արոտավայր հողատեսք, կադաստրային ծածկագիր՝ 10-041-0201-0230, մակերեսը՝ 0,11933հա,

1.2. գյուղատնտեսական նշանակության այլ հողատեսք, կադաստրային ծածկագիր՝ 10-041-0600-0008, մակերեսը՝ 0,05557հա,

1.3. գյուղատնտեսական նշանակության արոտավայր, կադաստրային ծածկագիր՝ 10-041-0201-0231, մակերեսը՝ 0,0213հա,

1.4. գյուղատնտեսական նշանակության այլ հողատեսք, կադաստրային ծածկագիր՝ 10-041-0202-0184, մակերեսը՝ 0,04695հա:

2. Հավանություն տալ Հայաստանի Հանրապետության Վայոց ձոր մարզի Եղեգիս համայնքի Աղնջաձոր բնակավայրի հողերի օգտագործման ժամանակավոր սխեմայում նախատեսվող փոփոխությանը, ըստ որի նախատեսվում է՝ Աղնջաձոր բնակավայրի վարչական տարածքում գտնվող համայնքային սեփականություն հանդիսացող գյուղատնտեսական նշանակության արոտավայր հողատեսքերը փոխադրել բնակավայրերի նշանակության հողերի կատեգորիա, գործառնական նշանակությունը՝ բնակելի կառուցապատման.

2.1. 0,12047հա մակերեսով, 10-007-0163-0059 կադաստրային ծածկագրով,

2.2. 0,1հա մակերեսով, 10-007-0163-0061 կադաստրային ծածկագրով,

2.3. 0,05518հա մակերեսով, 10-007-0163-0062 կադաստրային ծածկագրով,

2.4. 0,10002հա մակերեսով, 10-007-0163-0060 կադաստրային ծածկագրով:

3. Հավանություն տալ Հայաստանի Հանրապետության Վայոց ձոր մարզի Եղեգիս համայնքի Սալի բնակավայրի հողերի օգտագործման ժամանակավոր սխեմայում նախատեսվող փոփոխությանը, ըստ որի նախատեսվում է՝ Սալի բնակավայրի վարչական տարածքում գտնվող քաղաքացի Ռոբերտ Սերյոժայի Բուդաղյանի սեփականություն հանդիսացող գյուղատնտեսական նշանակության վարելահող հողատեսքը /0,188հա մակերեսով, 10-038-0116-0013 կադաստրային ծածկագրով/ փոխադրել բնակավայրերի նշանակության հողերի կատեգորիա, գործառնական նշանակությունը՝ հասարակական կառուցապատման:

4. Հավանություն տալ Հայաստանի Հանրապետության Վայոց ձոր մարզի Եղեգիս համայնքի Աղնջաձոր բնակավայրի հողերի օգտագործման ժամանակավոր սխեմայում նախատեսվող փոփոխությանը, ըստ որի նախատեսվում է՝ Աղնջաձոր բնակավայրի վարչական տարածքում գտնվող քաղաքացի Արթուր Վալերիկի Սիմոնյանի սեփականություն հանդիսացող բնակավայրերի նշանակության այլ հողատեսքը փոխադրել արդյունաբերության, ընդերքօգտագործման և այլ արտադրական նշանակության օբյեկտների հողեր, գործառնական նշանակությունը արդյունաբերական /0,0425հա մակերեսով, 10-007-0017-0060 կադաստրային ծածկագրով/:

5. Հավանություն տալ Հայաստանի Հանրապետության Վայոց ձոր մարզի Եղեգիս համայնքի Հերմոն բնակավայրի հողերի օգտագործման ժամանակավոր սխեմայում

նախատեսվող փոփոխությանը, ըստ որի նախատեսվում է՝ Հերմոն բնակավայրի վարչական տարածքում գտնվող քաղաքացիներ Հերմինե Գրիգորի Տողանյանի, Սոնա Վլադիմիրի Օրբելյանի սեփականություն հանդիսացող գյուղատնտեսական նշանակության արոտավայր հողատեսքը /0,23081հա մակերեսով, 10-029-0574-0001 կադաստրային ծածկագրով/ փոխադրել բնակավայրերի նշանակության հողերի կատեգորիա, գործառնական նշանակությունը՝ բնակելի կառուցապատման:

6.Համայնքի ղեկավարին՝ կազմել և հողերի օգտագործման ժամանակավոր սխեմաների համաձայնեցման միջգերատեսչական հանձնաժողովի համաձայնեցմանը ներկայացնել համապատասխան հողաշինական գործը:»:

Կողմ- 7 Դեմ- 0 Ձեռնպահ-0

Որոշումն ընդունված է. /կցվում է որոշում N 111 Ա/

Ավագանու անդամներ՝

Բաղայան Նվեր

Գևորգյան Արման

Հարությունյան Աշոտ

Հովհաննիսյան Ռուբիկ

Մարկոսյան Ռազմիկ

Մարտիրոսյան Զոյա

Մարտիրոսյան Նորայր

Մելիքսեթյան Վարդան

Մելքոնյան Արմենակ

Վարդանյան Մխիթար

Համայնքի ղեկավար

ԱՐԹՈՐ ՍՏԵՓԱՆՅԱՆ



Նիսյուն արձանագրեց՝ Աննա Դանիելյանը